



თავი I. ზოგადი დებულებები

მუხლი 1. ჩემპიონატის ჩატარების უფლება

ჩემპიონატის (შემდგომში “სუპერლიგა”) ჩატარების ექსკლუზიურ უფლებას ფლობს საქართველოს კალათბურთის ეროვნული ფედერაცია (შემდგომში “ს.კ.ე.ფ”).

მუხლი 2. ჩემპიონატის ჩატარების წესები

სუპერლიგა ტარდება „კალათბურთის ოფიციალური წესების” და წინამდებარე დებულების შესაბამისად. სუპერლიგის ყველა მონაწილე ვალდებულია გაეცნოს და შეასრულოს „კალათბურთის ოფიციალური წესების” და წინამდებარე დებულების მოთხოვნები.

მუხლი 3. ჩემპიონატის ორგანიზების და ჩატარების ხელმძღვანელობა

სუპერლიგის ორგანიზებას და ჩატარებას ხელმძღვანელობს ს.კ.ე.ფ. საშეჯიბრო დეპარტამენტის მეშვეობით.

თავი II. ჩემპიონატის ჩატარების მიზნები

მუხლი 4. სუპერლიგის ჩატარების მიზნები

სუპერლიგის ჩატარების მიზანია:

- გუნდების კლასიფიკაცია;
- კალათბურთელთა ოსტატობის დონის ამაღლება;
- საქართველოს ეროვნული ნაკრები გუნდებს წევრობის კანდიდატთა გამოვლენა.
- საქართველოს უძლიერესი გუნდების გამოვლენა მათი ევროპის საკლუბო შეჯიბრებში მონაწილეობისათვის.
- საქართველოში კალათბურთის შემდგომი განვითარება.

თავი III. გუნდებისა და მოთამაშეთა დაშვება სუპერლიგაში

მუხლი 5. გუნდების დაშვების პირობები

5.1 გუნდები სუპერლიგაში დაიშვებიან გასული, (2015/2016 წლების სეზონის) შედეგების გათვალისწინებით, წინამდებარე დებულების მოთხოვნების შესრულების პირობით და ს.კ.ე.ფ-ს გამგეობის გადაწყვეტილებით.

5.2 სუპერლიგაში მონაწილეობა თითოეულმა გუნდმა უნდა დაადასტუროს 2016 წლის 19 სექტემბრამდე .

5.3 გუნდი ვალდებულია დაფაროს წინა სეზონის ფინანსური დავალიანება ს.კ.ე.ფ-ს წინაშე.

5.4 გუნდი ვალდებულია შემოიტანოს სამონაწილეო თანხა **45000 (ორმოცდახუთათასი) ლარი, რომლის პირველი ნაწილი 7000 (შვიდი ათასი) ლარი** გუნდმა უნდა შემოიტანოს 2016 წლის 20 ოქტომბრამდე, ხოლო დარჩენილი თანხა **38000 (ოცდათვრამეტი ათასი) ლარი** 2017 წლის 7 თებერვლამდე.

5.5 გუნდი ვალდებულია 2016 წლის 14 ოქტომბრამდე შეავსოს ელექტრონული განაცხადი დადგენილი ფორმით რომელშიც ჩაწერილი მოთამაშეთა მაქსიმალური რაოდენობა არ უნდა აღემატებოდეს 16 (თექვსმეტი)-ს, ასევე მთავარი მწვრთნელი, დამხმარე მწვრთნელი არაუმეტეს 2(ორი) პირისა და სამედიცინო პერსონალი არაუმეტეს 3(სამი) პირისა.

5.6 თუკი გუნდი დადგენილ ვადებში ვერ წარმოადგენს განაცხადს ან ნებისმიერი სხვა მიზეზით ვერ მიიღებს სუპერლიგის 2016-2017 წლების სეზონში მონაწილეობას, მის ადგილს დაიკავებს სუპერლიგის ქვედა – “ა-ლიგის,, 2016 წლის სეზონის (ა-ლიგის მეორე ადგილოსანი გუნდი).

5.7 უცხო ქვეყნის მოქალაქეობის მქონე მოთამაშეებისთვის აუცილებელია შემდეგი ცნობების წარმოდგენა:

- პასპორტის ასლი, რომელზეც ნათლად ჩანს მფლობელის მოქალაქეობა, სრული სახელი და გვარი, დაბადების თარიღი და ადგილი, ფოტოსურათი;
- თითოეული მოთამაშისთვის 2 ეგზემპლარად შევსებული ფიბა-ს საგანგებო ფორმა ინგლისურ ენაზე;
- გათავისუფლების წერილი იმ ქვეყნის კალათბურთის ფედერაციიდან, რომლის კლუბშიც მოთამაშე ასპარეზობდა ბოლოს.

5.8 უცხო ქვეყნის მოქალაქეობის მქონე მოთამაშეების ლიცენზირებისთვის გადასახადი შეადგენს:

- პირველ მოთამაშეზე - **1000 (ათასი) ლარი**;
- მეორეზე და შემდეგ მოთამაშეებზე – თითოეულისთვის **1700 (ათასშვიდას) ლარი**;

5.9 უცხო ქვეყნის მოქალაქეობის მქონე მწვრთნელის ლიცენზირების გადასახადი შეადგენს თითოეულისათვის **800 (რვაასი) ლარი**.

5-10. სუპერლიგაში მონაწილეობასთან დაკავშირებული ყველა ფინანსური ანგარიშსწორება უნდა მოხდეს ს.კ.ე.ფ-ის საბანკო ანგარიშზე.

საქართველოს კალათბურთის ეროვნული ფედერაციის რეკვიზიტები:

საფოსტო: **0162**, ქ. თბილისი, ჭავჭავაძის გამზირი 49ა.

საბანკო: „სს თბილისი ბანკი“ ანგ.№ **GE71TB3963436080100005**

ბანკის კოდი: **TBCBGE22** ს/კ **204851838**

ტელეფონი: 223 53 84

ფაქსი: 229 28 90

ელ. ფოსტა: basket@gol.ge

მუხლი 6. მოთამაშეთა და მწვრთნელთა დამატება განაცხადში

6.1 სუპერლიგაში მონაწილე გუნდიდან გუნდში ასევე ა-ლიგის გუნდიდან სუპერლიგის გუნდში მოთამაშეთა გადასვლა შესაძლებელია 2017 წლის 11 იანვრიდან 21 იანვრის ჩათვლით.

6.2 გუნდს უფლება აქვს დაიმატოს სუპერლიგაში არალიცენზირებული საქართველოს მოქალაქეობის მქონე მოთამაშე, სუპერლიგის მსვლელობისას ნებისმიერ დროს არაუგვიანეს პლეიოფის დაწყებამდე სამი დღით ადრე.

6.3 გუნდს უფლება აქვს დაიმატოს საზღვარგარეთ ქვეყნებში მოასპარეზე ლიცენზირებული უცხო ქვეყნის მოქალაქეობის მქონე მოთამაშე (ლეგიონერი), იმ პირობით, რომ მას დაუმთავრდა არსებული კონტრაქტი და გააჩნია გათავისუფლების წერილი. დამატების ბოლო ვადაა 1 თებერვლამდე

6.4 გუნდს უფლება აქვს დაიმატოს საზღვარგარეთ ქვეყნებში მოასპარეზე საქართველოს მოქალაქეობის მქონე ლიცენზირებული მოთამაშე, იმ პირობით, რომ მას დაუმთავრდა არსებული კონტრაქტი და გააჩნია განთავისუფლების წერილი. დამატების ბოლო ვადაა 1 თებერვლამდე

6.5 მოთამაშეზე გაცემული ლიცენზია, მიუხედავად იმისა, მიიღო თუ არა მოთამაშემ მონაწილეობა სუპერლიგის მატჩში, გუნდს ეთვლება 16-კაციან ლიმიტში. მის ნაცვლად დამატებითი ლიცენზია არ გაიცემა.

6.6 გუნდს შეიძლება დაემატოს სუპერლიგაში არალიცენზირებული უცხო ქვეყნის მოქალაქეობის მქონე მწვრთნელი. ლიცენზირების გადასახადი – **800 (რვაასი) ლარი**.

6.7 სუპერლიგის გუნდს თამაშის განაცხადში შეუძლია შეიყვანოს მოთამაშე თავისი ასაკობრივი გუნდებიდან არა უმეტეს 4 (ოთხი) მოთამაშისა, დარჩენილი (მოთამაშეთა) ლიმიტის გათვალისწინებით.

6.7.1 თუ სუპერლიგაში მოასპარეზე გუნდის 16 (თექვსმეტი) კაციანი განაცხადი შევსებულია გუნდს აქვს უფლება თამაშის განაცხადში შეიყვანოს მოთამაშე თავისი ასაკობრივი გუნდიდან არაუმეტეს 2 (ორი) მოთამაშისა.

6.7.2 სუპერლიგის გუნდს რომელსაც არ ჰყავს 20-წლამდელოთა ასაკობრივ ჩემპიონატში გუნდი და აქვს დარჩენილი 16 (თექვსმეტი) კაციანი განაცხადში თავისუფალი ადგილი აქვს უფლება დაიმატოს სხვა 20-წლამდელოთა ასაკობრივი ჩემპიონატის გუნდებიდან არა უმეტეს 3 (სამი) მოთამაშისა, დამატებული მოთამაშე გუნდს ჩაეთვლება 16 (თექვსმეტი) კაციანი ლიმიტში.

6.7.3 სუპერლიგის კლუბის განაცხადში შეყვანილ თავისივე ასაკობრივი გუნდის მოთამაშეს უფლება აქვს ერთდროულად ითამაშოს 2 (ორი) ასაკობრივ ჩემპიონატში სადაც აღნიშნული კლუბია წარმოდგენილი.

6.8 სუპერლიგის მონაწილე გუნდმა განაცხადში შესაძლებელია შეიყვანოს 2001 წელს დაბადებული მაქსიმუმ 2(ორი) მოთამაშე და 2002 წელს დაბადებული მხოლოდ 1(ერთი) მოთამაშე.

6.9 სუპერლიგის მონაწილე გუნდმა განაცხადში შესაძლებელია შეიყვანოს ა-ლიგის საკვალიფიკაციო ეტაპიდან ა-ლიგაში ვერგასული გუნდის 1 მოთამაშე, რომელსაც ექნება განთავისუფლების ფურცელი.

მუხლი 7. გუნდის შემადგენლობა

7.1 გუნდს თამაშის განაცხადში შეუძლია შეიყვანოს და მატჩზე წარადგინოს გუნდის განაცხადში მითითებული 12(თორმეტი) მოთამაშე, არანაკლებ 10(ათი) მოთამაშისა. ამ პუნქტის დამრღვევს ეკისრება ჯარიმა **100 (ასი) ლარის** ოდენობით 10(ათი)-ზე ნაკლებ თითოეულ მოთამაშისთვის.

7.1.1 გუნდს (16 კაციანი) განაცხადში შეუძლია ჰყავდეს მაქსიმუმ 4 (ოთხი) უცხო ქვეყნის მოქალაქეობის მქონე მოთამაშე.

7.1.1.2 მატჩის მსვლელობისას გუნდს მოედანზე შეიძლება ერთდროულად ჰყავდეს არაუმეტეს 3 (სამი) უცხო ქვეყნის მოქალაქეობის მქონე მოთამაშე.

7.1.1.3 მოთამაშე, რომელსაც ნატურალიზაციის გზით აქვს მიღებული საქართველოს ორმაგი მოქალაქეობა და არ უთამაშია საქართველოს ეროვნულ ნაკრებში ჩაითვლება ლეგიონერის (უცხო ქვეყნის მოქალაქეობის მქონე) სტატუსის მატარებლად.

7.2 თითოეულ გუნდს უნდა ჰქონდეს სათამაშო ფორმის მინიმუმ ორი კომპლექტი, რომლებიც უნდა შეესაბამებოდეს „კალათბურთის ოფიციალური წესების“ მოთხოვნებს. ერთი კომპლექტი – ღია ფერის და მეორე კომპლექტი – მუქი ფერის. მაისურებზე დასაშვებია ნომრები 00, 0-დან 99-მდე, ხოლო გვარი ქართული შრიფტით (უცხო ენაზე – “ს.კ.ე.ფ.”-თან შეთანხმების შემთხვევაში).(იხილეთ დანართი №1)

7.3 იმ შემთხვევაში, თუკი თამაშში მონაწილეობას მიიღებს მოთამაშე ან მწვრთნელი, რომელსაც უნდა გამოეტოვებინა იგი დისკვალიფიკაციის გამო, გუნდს ეთვლება წაგება „უფლების ჩამორთმევით“.

7.4 იმ შემთხვევაში, თუ მატჩის მსვლელობისას სათადარიგოთა სკამზე სხედან გუნდის წარმომადგენლები (მწვრთნელის ასისტენტები, სამედიცინო პერსონალი), რომელთაც უნდა გამოეტოვებინათ იგი დისკვალიფიკაციის გამო ან პირები რომლებსაც არ აქვთ სათადარიგოთა სკამზე ჯდომის უფლება, გუნდი ჯარიმდება **400 (ოთხასი) ლარით**.

თავი IV. ჩემპიონატის ჩატარების სამართლებრივი ასპექტები

მუხლი 8. “საქართველოს კალათბურთის ეროვნული ფედერაციის” უფლებები

სუპერლიგის თამაშებში მონაწილე გუნდებმა უნდა აღიარონ ს.კ.ე.ფ-ის შემდეგი უფლებები:

8.1 სუპერლიგისა და „ყველა ვარსკვლავთა“ თამაშების ტელეტრანსლაციებზე.

8.2 მარკეტინგულ და სალიცენზიო უფლებები სუპერლიგის ლოგოზე, სიმბოლიკაზე, ოფიციალურ დევიზსა და დასახელებაზე, სავაჭრო ნიშნებსა და სავაჭრო მარკებზე.

8.3 ს.კ.ე.ფ-ს მიერ დამზადებულ პოლიგრაფიულ, სუვენირულ, თუ სხვა სახის პროდუქციაზე განთავსებულ რეკლამაზე.

8.4 ტელე, ვიდეო და ფოტომასალის გამოყენებაზე, რომლებიც ასახავს სუპერლიგის მატჩებს, ერთიანად თუ ცალ-ცალკე, მოთამაშეთა გამოსახულების ჩათვლით.

მუხლი 9. გუნდის უფლებები

სუპერლიგის მსვლელობისას თითოეულ გუნდს უფლება აქვს:

9.1 საშინაო მატჩები ჩაატაროს საკუთარ სპორტულ დარბაზში (თუ გუნდს ასეთი გააჩნია, დარბაზი აკმაყოფილებს “კალათბურთის ოფიციალური წესებში” აღნიშნულ მოთხოვნებს და დამტკიცებულია ს.კ.ე.ფ-ს სპეციალური კომისიის მიერ) .

9.2 წარმოოს თამაშების სატელევიზიო ტრანსლაციები ადგილობრივ ტელეარხებზე, კლუბსა და ს.კ.ე.ფ-ს შორის საგანგებოდ გაფორმებული ხელშეკრულების საფუძველზე.

9.3 საშინაო მატჩებზე ბილეთების რეალიზაციის.

9.4 გუნდის მოთამაშეების, მწვრთნელების და სამედიცინო პერსონალის უნიფორმაზე განათავსოს სარეკლამო საშუალებები.

9.5 სუპერლიგის თამაშების დროს, იმ სპორტულ დარბაზებში, რომელთა იჯარის თანხასაც იხდის კლუბი (გუნდი), სარეკლამო სივრცე ნაწილდება შემდეგნაირად:

9.5.1 თუ მატჩი ტარდება კლუბის (გუნდის) მუდმივ საკუთარ მოედანზე: 70%– მასპინძელ კლუბს (გუნდს), 30% – ს.კ.ე.ფ-ს, ცენტრალურ წრეში ეტიკეტის განთავსების უფლება – ს.კ.ე.ფ-ს, საჯარიმო ტყორცნების წრეებში ეტიკეტის განთავსების უფლება – მასპინძელ კლუბს (გუნდს).

9.5.2 თუ მატჩი ტარდება ს.კ.ე.ფ-ს მიერ უზრუნველყოფილ მოედანზე თითოეულ გუნდს უფლება ეძლევა გამოიყენოს ს.კ.ე.ფ-ის მიერ გამოყოფილი ორი სარეკლამო ადგილი.

9.6 დამოუკიდებლად განკარგოს სახსრები, რომლებსაც მიიღებს საშინაო მატჩების დროს საკუთარი უფლებების რეალიზაციით.

9.7 დაამყაროს საკონტრაქტო ურთიერთობები სხვადასხვა კატეგორიის სპონსორებთან (გენერალური, ოფიციალური, ტექნიკური და ა.შ.)

9.8 ფლობდეს ინფორმაციას სუპერლიგის სპონსორების შესახებ.

9.9 ინდივიდუალური სპონსორული ხელშეკრულებების გაფორმებისა მასობრივი ინფორმაციის ელექტრონულ და ბეჭდვით საშუალებებთან.

მუხლი 10. გუნდის ვალდებულებები

სუპერლიგის თამაშების ჩატარებისას თითოეული გუნდი ვალდებულია შეასრულოს შემდეგი პირობები:

10.1 ხელშეკრულებების და შეთანხმებების გაფორმებისას აცნობოს სპონსორებს მათზე გადაცემული უფლებამოსილებების მოცულობა.

10.2 სპონსორებთან ხელშეკრულების გაფორმებისას აცნობოს მათ არსებულ შეზღუდვებზე.

10.3 უზრუნველყოს გუნდის მონაწილეობა საქართველოს თასის გათამაშებაში. ასევე უზრუნველყოს მისი გუნდიდან “ყველა ვარსკვლავის მატჩისთვის” შერჩეულ მოთამაშეთა დაუბრკოლებელი გაშვება აღნიშნულ ღონისძიებაზე.

10.4 გამოუყოს “ს.კ.ე.ფ”-იას 30 ადგილი თითოეულ მატჩზე იმ სპორტულ ნაგებობაში, სადაც მიმდინარეობს ჩემპიონატის, ევროპის თასების და სხვა საკალათბურთო შეჯიბრებების მატჩები.

10.5 წარადგინოს “ს.კ.ე.ფ”-ში გუნდის ოფიციალურად რეგისტრირებული სიმბოლიკა.

10.6 წარმოადგინოს მოთამაშეებთან გაფორმებული ხელშეკრულების (კონტრაქტების) ასლები.

10.7 ს.კ.ე.ფ-ის შეტყობინებისთანავე უზრუნველყოს მწვრთნელთა და მოთამაშეთა აუცილებელი დასწრება სუპერლიგის მატჩების მატჩისწინა და მატჩისშემდგომ პრეს-კონფერენციებზე.

10.8 უზრუნველყოს მწვრთნელთა და მოთამაშეთა მიერ ინტერვიუს მიცემა სუპერლიგის მატჩების ტელეტრანსლაციების მიმდინარეობისას

10.9 10.7 და 10.8 პუნქტების არშესრულების შემთხვევაში – ჯარიმა 150 (ასორმოცდაათი) ლარი.

10.10 მოთამაშეს, რომელსაც მოთელვაზე და გუნდის წარდგენაზე არ ეცმევა გუნდის სათანადო ფორმა თამაშზე არ დაიშვება.

10.11 მოთამაშის ეკვიპირების შესახებ (იხილეთ დანართი №1)

თავი V. მოთხოვნები კლუბის (გუნდის) მიმართ

მუხლი 11. მოედანი და აღჭურვილობა

11.1 სპორტული ნაგებობები და აღჭურვილობა უნდა შეესაბამებოდეს „კალათბურთის ოფიციალურ წესებში“ აღწერილ მოთხოვნებს.

11.2 სუპერლიგის თამაშები გაიმართება “ს.კ.ე.ფ”-ის საგანგებო კომისიის მიერ მიღებულ სპორტულ დარბაზებში. დარბაზის ტევადობა – მინიმუმ 500 (ხუთასი) დასაჯდომი ადგილი.

11.3 სუპერლიგის მატჩების ჩატარდება spalding-ის ფირმის ბურთებით, მოდელი TF-1000

11.4 თამაშის მსვლელობისას მუსიკალური ინსტრუმენტების გამოყენება ნებადართულია მხოლოდ მსაჯთა მაგიდის და გუნდების სკამების მოპირდაპირე მხარეს მდებარე ტრიბუნაზე.

11.5 სუპერლიგის მატჩების გადაღება უნდა იქნას უზრუნველყოფილი მასპინძელი გუნდების მიერ. დაუმონტაჟებელი მასალა მაქსიმუმ 2 დღის შემდეგ უნდა გადაეცეს მოწინააღმდეგე გუნდსა და სუპერლიგის ხელმძღვანელობას.

მუხლი 12. გასვლითი შეხვედრები

მასპინძელმა გუნდმა სტუმარ გუნდს უნდა გამოუყოს:

12.1 სტუმარი გუნდის წინასწარი განაცხადის საფუძველზე, ტრანსპორტი მატჩის ჩატარების ქალაქის სადგურში ან აეროპორტში დახვედრისა და გაცილებისთვის, აგრეთვე ვარჯიშზე, მატჩზე და უკანა მიმართულებით მისაყვანად. ტრანსპორტის ხარჯებს იხდის სტუმარი გუნდი. წინასწარი განაცხადი უნდა გაკეთდეს ჩასვლის დღემდე არანაკლებ 7 დღით ადრე. იმ შემთხვევაში, თუკი წინასწარი განაცხადი არ გაკეთდა, ან გაკეთდა დაგვიანებით, სტუმარი გუნდი ტრანსპორტის საკითხს წყვეტს დამოუკიდებლად.

12.2 სასტუმროს ნომრები, სტუმარი გუნდის წინასწარი განაცხადის საფუძველზე. სასტუმროს ხარჯებს იხდის სტუმარი გუნდი. წინასწარი განაცხადი უნდა გაკეთდეს ჩასვლის დღემდე არანაკლებ 7 დღით ადრე. იმ შემთხვევაში, თუ წინასწარი განაცხადი არ გაკეთდა, ან გაკეთდა დაგვიანებით, სტუმარი კლუბი საცხოვრებელ საკითხს წყვეტს დამოუკიდებლად.

12.3 თუ წინასწარი განაცხადი გაკეთდა დროულად, მაგრამ მასპინძელმა კლუბმა დაარღვია 12.1. და 12.2. პუნქტები, მას ეკისრება ჯარიმა 400 (ოთხასი) ლარის ოდენობით.

12.4 სპორტული დარბაზი ვარჯიშებისთვის (არანაკლებ ერთი საათი) თამაშის დაწყებამდე არაუგვიანეს 24საათისა და თამაშის დღეს არაუგვიანეს 7 საათისა (არანაკლებ 45 წუთი) იმ დარბაზში სადაც იმართება თამაში.

12.5 6 (ექვსი) სათამაშო ბურთი ვარჯიშებისთვის.

12.6 სასმელი წყალი. ყოველი თამაშისთვის ერთ გუნდზე გაანგარიშებით 16 ცალი 0,5-ლიტრიანი ბოთლი.

12.7 ტურობრივი სისტემის დროს, ადგილები სათამაშო დარბაზში შეჯიბრების მონაწილეთათვის.

12.8 12.4.-12.7.პუნქტების დარღვევისთვის ჯარიმა 500 (ხუთასი) ლარი თითოეული პუნქტისთვის.

მუხლი 13. სუპერლიგის მონაწილეთა უსაფრთხოების უზრუნველყოფის მოთხოვნები

13.1 მასპინძელი კლუბი პასუხისმგებელია სუპერლიგის თამაშის მსვლელობისას მისი მონაწილეების (ს.კ.ე.ფ-ის წარმომადგენლები, კომისარი, მსაჯები, მსაჯი-მდივნები, მწვრთნელები, გუნდის წარმომადგენლები) უსაფრთხოების უზრუნველყოფაზე, აგრეთვე საზოგადოებრივი წესრიგის დაცვაზე თამაშის ჩატარების ზონაში მის დაწყებამდე, მიმდინარეობისას და დამთავრების შემდეგ.

13.2 თამაშის უსაფრთხოების უზრუნველყოფის ღონისძიებათა გეგმაში უნდა შედიოდეს:

13.2.1 ს.კ.ე.ფ-ის წარმომადგენლების, კომისრის, მსაჯების, მსაჯი-მდივნების, სტუმარი გუნდის წარმომადგენლების, მწვრთნელების, სამედიცინო პერსონალის, მოთამაშეების დაცვა, მათი აეროპორტში (სადგურში) ჩასვლის მომენტიდან; მათი თანხლება საცხოვრებელ და მატჩის ჩატარების ადგილებამდე.

13.2.2 ზემოაღნიშნული პირების დაცვა მატჩის დამთავრების შემდეგ, მათი თანხლება საცხოვრებელ და გასამგზავრებელ ადგილებამდე.

13.2.3 საზოგადოებრივი წესრიგის დაცვის ღონისძიებების გატარება თამაშის ჩატარების ზონაში მის დაწყებამდე, მიმდინარეობისას და დამთავრების შემდეგ.

13.2.4 საზოგადოებრივი წესრიგის დაცვის ღონისძიებების გატარება ს.კ.ე.ფ-ს წარმომადგენლების, კომისრის, მსაჯების, სტუმარი გუნდების მწვრთნელების, მოთამაშეების და სამედიცინო პერსონალის საცხოვრებელ ადგილზე.

13.2.5 საზოგადოებრივი წესრიგის დაცვის ღონისძიებათა გატარება დარბაზში გუნდების განთავსების ადგილებში.

13.2.6 თამაშის ჩატარების ზონაში აკრძალულია:

- ალკოჰოლური სასმელების გაყიდვა და მიღება;
- ნებისმიერი სახის სასმელის გაყიდვა და შეტანა მინის ბოთლებში;
- თამბაქოს მოწვევა საგანგებოდ გამოყოფილი ადგილების გარდა;
- სათამაშო მოედანზე ნებისმიერი საგნის სროლა;
- მსაჯების, მოთამაშეების და მატჩის სხვა მონაწილეთა შეურაცხყოფა, მათ მიმართ მუქარა სიტყვიერი თუ სხვა ნებისმიერი ფორმით.

ამ წესების დაცვაზე პასუხისმგებელია მასპინძელი კლუბი.

13.3 მატჩის უსაფრთხოების უზრუნველყოფის მოთხოვნათა არშესრულების შემთხვევაში, რასაც მოჰყვება ინციდენტი, ს.კ.ე.ფ-ს გამგეობამ, საგანგებო გადაწყვეტილებით, შესაძლოა გამოიტანოს როგორც საჯარიმო ფულადი სანქციები, აგრეთვე:

- მომდევნო თამაშის ჩატარება მაყურებელთა გარეშე;
- თამაშის ჩატარება ნეიტრალურ ან მეტოქის მოედანზე.

მუხლი 14. წარსადგენი დოკუმენტაცია

14.1 ამონაწერი სამეწარმეო რეესტრიდან (საჯარო რეესტრის ეროვნული სააგენტოდან)

14.2 ცნობა სასამართლოდან, რომ არ მიმდინარეობს გადახდის უუნარობის საქმის წარმოება.

14.3 ცნობა შემოსავლების სამსახურიდან ბიუჯეტის წინაშე დავალიანების არქონის შესახებ

14.4 ცნობა მომსახურე ბანკიდან (ბანკებიდან). საბანკო ანგარიშზე (ანგარიშებზე) ყადაღის შესახებ

14.5 ცნობა საჯარო რეესტრის ეროვნული სააგენტოდან, იურიდიული პირის ქონებაზე (მასზე რეგისტრირებული ქონების არსებობის შემთხვევაში) საჯარო სამართლებრივი შეზღუდვის არსებობის შესახებ

14.6 ცნობა საჯარო რეესტრის ეროვნული სააგენტოდან რომ არ მიმდინარეობს იურიდიული პირის რეორგანიზაცია ან ლიკვიდაცია

თავი VI. მოთხოვნები ჩემპიონატის მონაწილეთა მიმართ

მუხლი 15. მწვრთნელები, გუნდის წარმომადგენლები

15.1 თამაშის დაწყებამდე არაუგვიანეს 30 წუთისა, მწვრთნელებმა უნდა წარუდგინონ მატჩის კომისარს ტექნიკური განაცხადი, გუნდის განაცხადში, ლიცენზიები. მატჩზე დოკუმენტების წარდგენის ვადის დარღვევის შემთხვევაში მწვრთნელს ეკისრება ჯარიმა **50 (ორმოცდაათი) ლარის** ოდენობით.

15.2 თამაშის მსვლელობისას სათადარიგოთა სკამზე დაჯდომის უფლება აქვს თამაშის ოქმში შეყვანილ მოთამაშეებს (თორმეტი მოთამაშე), მწვრთნელთა შტაბის არაუმეტეს 3(სამი) წარმომადგენელს და მედპერსონალის არაუმეტეს 3(სამი) წარმომადგენელს.

15.3 თამაშის დამთავრების მაუწყებელი ფინალური სასტვენის შემდეგ მწვრთნელმა, მწვრთნელის თანაშემწემ და გუნდის სხვა წარმომადგენლებმა დაუყოვნებლივ უნდა დატოვონ მოედანი და არ უნდა ეკამათონ მსაჯებს, კომისარს, მაყურებლებს.

15.4 გუნდი ვალდებულია უზრუნველყოს თავისი მოთამაშის თუ მოთამაშეების მონაწილეობა ჩემპიონატის მსვლელობისას გასამართ “ყველა ვარსკვლავის” მატჩზე თუ გუნდის წევრები მოხვდებიან “ყველა ვარსკვლავის” მატჩის განაცხადში.

მუხლი 16. მსაჯები, კომისრები და მსაჯ-მდივნები

16.1 სუპერლიგის თამაშები ტარდება ფიბა-ს მიერ დამტკიცებული „კალათბურთის ოფიციალური წესების“ და წინამდებარე დებულების შესაბამისად.

16.2 თამაშების მომსახურებისთვის შეიძლება დაინიშნონ მხოლოდ ს.კ.ე.ფ-ის მსაჯთა განყოფილების მიერ მოცემული სეზონისთვის მსაჯები და კომისრები.

16.3 სუპერლიგის თითოეულ თამაშს ემსახურება ორი (ან სამი) მსაჯი, კომისარი და მსაჯ-მდივანთა ბრიგადა.

16.4 სუპერლიგის თამაშებისას მსაჯ-მდივანთა ბრიგადა შედგება მაქსიმუმ 8 წევრისაგან:

- მდივანი;
- დროის ოპერატორი;
- 24 წამის ოპერატორი;
- ტაბლოს ოპერატორი;
- მსაჯი-ინფორმატორი;
- ორი ან სამი მდივან-სტატისტიკოსი

16.5 მატჩის დაწყებამდე არაუგვიანეს 30 წუთისა კომისარმა უნდა შეამოწმოს გუნდის სერთიფიკატი და განაცხადში შეყვანილ მოთამაშეთა, მწვრთნელთა და სამედიცინო პერსონალის ფოტოსურათების შესაბამისობა მათ ვინაობასთან. თუ კომისარი თამაშზე დაუშვებს მოთამაშეს, მწვრთნელს ან სამედიცინო პერსონალს, რომლებიც არ არიან შეყვანილი გუნდის განაცხადში, მაშინ მას მიეცემა დისკვალიფიკაცია ს.კ.ე.ფ-ის მსაჯთა განყოფილების და „სუპერლიგის“ საშეჯიბრო დეპარტამენტის მიერ დადგენილი ვადით.

16.6 მატჩის შემდეგ კომისარი ავსებს ანგარიშს დადგენილი ფორმით, უთითებს მასში დამრღვევებს, დებულების დარღვეულ მუხლებს, მსაჯ-მდივანთა მუშაობის ნაკლოვანებებს. იმავე ანგარიშში კომისარი ახასიათებს მსაჯებს და უწერს მათ ნიშნებს.

დებულების დარღვევის ფაქტების დაფარვის შემთხვევაში კომისარი ჩამოშორდება სუპერლიგის მატჩების მომსახურებას „სუპერლიგის“ საშეჯიბრო დეპარტამენტის მიერ დადგენილი ვადით.

16.7 თამაშის მსვლელობის დროს დარბაზში ელექტროენერგიის მიწოდება რამდენჯერმე შეწყდება და გათიშვის სერთო დრო აღემატება 40 წუთს, თამაში შეწყდება, გადაიდება მეორე დღეს და დაიწყება გადადების მომენტისთვის არსებული ანგარიშიდან და დარჩენილი დროით.

- დარბაზში ხილვადობის არ ქონის შემთხვევაში მატჩის შეწყვეტის ან გაგრძელების გადაწყვეტილებას იღებენ უფროსი მსაჯი და კომისარი;

- შეხვედრის გადადებას, თავისი ხელმოწერით კომისრის ოქმში, ადასტურებს ორივე გუნდის მწვრთნელი;

- გასვლით მატჩებში გადადებული თამაშის შემთხვევაში გუნდის დაბინავებასთან და სხვა დამატებით ხარჯებთან დაკავშირებით პასუხისმგებელია მასპინძელი გუნდი.

თავი VII. სუპერლიგის ჩემპიონატის ჩატარების სისტემა

მუხლი 17. ჩემპიონატის ჩატარების სისტემა და დრო

საქართველოს XXVI ჩემპიონატში მონაწილეობს 8 გუნდი

სუპერლიგა ტარდება 2016 წლის 15 ოქტომბრიდან 2017 წლის 31 მაისამდე.

17.1 სუპერლიგა იმართება ორ ეტაპად.

17.2 პირველი ეტაპი:

გუნდები თამაშებს ატარებენ 4 (ოთხი) წრედ მიმოსვლით, ორი მატჩი შინ და ორი-სტუმრად.

- ოთხი წრის შედეგების მიხედვით 1-4 ადგილებზე გასული გუნდები გადიან პლეიოფში (ნახევარფინალში), ხოლო 5-8 ადგილებზე გასული გუნდები შექმნიან საკვალიფიკაციო ჯგუფს, სადაც გადაწყვებათ რეგულარულ ჩემპიონატში (4 წრე) დაგროვილი ქულები.

- გუნდები საკვალიფიკაციო ჯგუფში ითამაშებენ ორ წრეს მიმოსვლით და ბოლო ადგილზე გასული გუნდი გადავა ა-ლიგაში (სეზონი 2017-2018)

17.3 მეორე ეტაპი:

სუპერლიგის 1-4 ადგილები გათამაშდება პლეი ოფის სისტემით.

თამაშების ჩატარების წესი:

1/2 ფინალი

დაწვეილებული გუნდები თამაშობენ პლეი ოფის სისტემით 3 (სამი) მოგებად.

გუნდები წყვილებიან შემდეგნაირად:

I წყვილი: 1-4;

II წყვილი: 2-3;

პირველი ორი მატჩი გაიმართება წყვილში პირველად მითითებული გუნდის მოედანზე, მესამე და მეოთხე მატჩები – წყვილში მეორედ მითითებული გუნდის მოედანზე. მესამე მატჩი (თუ საჭირო გახდა) წყვილში პირველად მითითებული გუნდის მოედანზე.

წყვილებში გამარჯვებულები გაითამაშებენ 1-2 ადგილებს, დამარცხებულები – 3-4 ადგილებს.

ფინალი

წყვილებში გამარჯვებული გუნდები გაითამაშებენ 1-2 ადგილებს.

- დამარცხებული გუნდები გაითამაშებენ მე-3-4 ადგილებს.

- დაწვეილებული გუნდები 1-2 ადგილისთვის თამაშობენ პლეი-ოფის სისტემით სამ მოგებად.

ხოლო მე-3 ადგილისთვის - ერთ მოგებად.

თავი VIII. "ს.კ.ე.ფ"-ის და კლუბების (გუნდების) ხარჯები ჩემპიონატის ჩატარებისას

მუხლი 18. "ს.კ.ე.ფ"-ის ხარჯები ჩემპიონატის ჩატარებისას

"ს.კ.ე.ფ" იხდის:

18.1 თბილისის ახალი სპორტის სასახლის იჯარის ხარჯებს.

18.2 მსაჯების, კომისრის, მსაჯ-მდივანთა ბრიგადების მგზავრობის და მატჩის მომსახურების ხარჯებს.

18.3 სხვა საჭირო საორგანიზაციო ხარჯებს

მუხლი 19. კლუბის (გუნდის) ხარჯები ჩემპიონატის ჩატარებისას

კლუბი (გუნდი) სუპერლიგის ჩატარებისას იხდის:

19.1 გუნდის მივლინების ხარჯებს სუპერლიგის თამაშებზე.

19.2 სტუმარი გუნდი – იმ ტრანსპორტის ხარჯებს, რომელიც სტუმარ გუნდს დახვდება სადგურში (აეროპორტში), მიიყვანს სასტუმროში, ვარჯიშზე, მატჩზე და უკან სასტუმროში, სადგურში (აეროპორტში)

19.3 მასპინძელი გუნდი – იმ ტრანსპორტის ხარჯებს, რომელიც მსაჯებს, კომისარს დახედება სადგურში (აეროპორტში), მიიყვანს სასტუმროში, სპორტულ დარბაზში და უკან სასტუმროში, სადგურში (აეროპორტში).

19.4 სტუმარი გუნდისთვის, მსაჯებისა და კომისრისთვის განკუთვნილი მინერალური წყლის ხარჯებს.

19.5 მასპინძელი გუნდი ვალდებულია აანაზღაუროს მსაჯების, კომისრის, საჭიროების შემთხვევაში მსაჯ-მდივნების 2 (ორი) დღე-ღამით სასტუმროში მიღების და 3-ჯერადი კვების ხარჯები.

19.6 თუ გუნდი ვერ უზრუნველყოფს 19.5 პუნქტით გათვალისწინებულ ვალდებულებებს (ობიექტური მიზეზების გამო) მას უფლება ეძლევა აღნიშნული ვალდებულებებისთვის საჭირო თანხა ჩარიცხოს ს.კ.ე.ფ-ის საბანკო ანგარიშზე

თავი IX. სადისციპლინო დარღვევები და სასჯელები

მუხლი 20. დარღვევათა სიმძიმე და სანქციები

სასჯელის ზომას დისციპლინური დარღვევისთვის განსაზღვრავს “სადისციპლინო ტექნიკური კომისია” დებულებით დადგენილ ფარგლებში

გუნდის წარმომადგენლებს: მოთამაშეებს, მწვრთნელებს, მწვრთნელთა თანაშემწეებს, სამედიცინო პერსონალს და გუნდის სხვა თანხლებს პირებს ეკისრებათ პასუხისმგებლობა ქცევის წესების დაცვაზე მატჩამდე, მატჩის მსვლელობისას და მატჩის დამთავრების შემდეგ. წესების დარღვევისათვის დადგენილია შემდეგი სასჯელები:

20.1 შეურაცხყოფა სიტყვით ან უცხვით:

20.1.1 მსაჯების, კომისრის, მსაჯ-მდივნების, მეტოქის, მაყურებლის, თანაგუნდელის მიმართ, გუნდის თანხლები პირების ერთმანეთის მიმართ – დისკვალიფიკაცია ოთხ (4) თამაშამდე და ჯარიმა **სამას (300) ლარამდე**

20.1.2 სეზონის განმავლობაში განმეორებითი მსგავსი დარღვევისთვის – დისკვალიფიკაცია ორიდან (2) შვიდნ (7) თამაშამდე და ჯარიმა **ორასიდან (200) ხუთას (500) ლარამდე.**

20.1.3 სეზონის განმავლობაში მესამე მსგავსი დარღვევისთვის – დისკვალიფიკაცია ხუთიდან (5) ათ (10) თამაშამდე და ჯარიმა **ოთხასიდან (400) ექვსას (600) ლარამდე.**

20.2 ფიზიკური შეურაცხყოფა:

20.2.1 “შეურაცხყოფელი ფიზიკური კონტაქტი”:

20.2.1.1 მსაჯების, კომისრის, მსაჯ-მდივნების მიმართ – დისკვალიფიკაცია ორიდან (2) ხუთ (5) მატჩამდე და ჯარიმა **ორასიდან (200) ხუთას (500) ლარამდე.**

20.2.1.2 მეტოქის, მაყურებლის, თანაგუნდელის მიმართ, გუნდის წარმომადგენლებით თანხლები პირების ერთმანეთის მიმართ – დისკვალიფიკაცია ოთხ (4) თამაშამდე და ჯარიმა **ასიდან (100) ხუთს (500) ლარამდე.**

20.2.2 “უხეში ფიზიკური შეურაცხყოფა”:

20.2.2.1 მსაჯების, კომისრის, მსაჯ-მდივნების მიმართ – დისკვალიფიკაცია ხუთიდან (5) ათ (10) მატჩამდე და ჯარიმა **ხუთასიდან (500) ათას (1000) ლარამდე.**

20.2.2.2 მეტოქის, მაყურებლის, თანაგუნდელის მიმართ, გუნდის თანხლები პირები ერთმანეთის მიმართ – დისკვალიფიკაცია ორიდან (2) რვა (8) თამაშამდე და ჯარიმა **სამასიდან (300) რვაას (800) ლარამდე.**

20.3 მსაჯის მიერ თამაშიდან გაძევებული მოთამაშე, მწვრთნელი, მწვრთნელის თანაშემწე ან გუნდის თანხლები პირი ავტომატურად ექვემდებარება დისკვალიფიკაციას მომდევნო ერთი თამაშით, თუ დანაშაულის სიმძიმე არ ითვალისწინებს უფრო მკაცრ სასჯელს.

20.4 დისციპლინის დარღვევასთან დაკავშირებულ სადისციპლინო-ტექნიკური კომისიის სხდომაზე მიწვეულ პირს, არასაპატიო მიზეზით გამოუცხადებლობის შემთხვევაში დაეკისრება ჯარიმა **ასი (100) ლარის** ოდენობით.

20.5 იმ შემთხვევაში, თუ დასჯილი მწვრთნელი ან მოთამაშე მონაწილეობენ ასევე ასაკობრივ ჩემპიონატებშიც, მათ დამატებით აღნიშნულ ტურნირებში დაეკისრებათ დისკვალიფიკაცია ორ (2) თამაშამდე. თუ დისკვალიფიკაციის ვადა აღემატება სეზონის ბოლომდე გათვალისწინებულ კალენდარული თამაშების რაოდენობას, დარჩენილი სასჯელი გადადის მომდევნო სეზონში.

20.6 გუნდის ოფიციალური პირების (გუნდის ხელმძღვანელობა, მენეჯერი) არასპორტული ქცევა:

20.6.1 მუქარა, დაშინება ან არასპორტული ქცევა მეტოქის, მაყურებლის, მსაჯების, კომისრის ან მსაჯ-მდივანთა მიმართ – ჯარიმა **1000 (ათასი) ლარი.**

20.6.2 სეზონის განმავლობაში იგივე დარღვევის განმეორებისათვის – ჯარიმა **2000 (ორიათასი) ლარი.**

20.7 იმ შემთხვევაში, თუკი გუნდი არ გამოცხადდება ან უარს იტყვის თამაშზე ან თამაშის გაგრძელებაზე:

-პირველი დარღვევისათვის – გუნდს ჩაეთვლება წაგება „უფლების ჩამორთმევით“ და ჯარიმდება **3500 (სამიათასხუთასი) ლარით.**

-იგივე დარღვევის განმეორებისას – გუნდს ეძლევა დისკვალიფიკაცია სეზონის ბოლომდე და ჯარიმდება 7000 (შვიდათასი) ლარით.

20.8 დისციპლინური დარღვევის შემთხვევები და მათ გამო გასატარებელი სასჯელები, რომლებიც არ არის მოყვანილი 20-ე მუხელში, განიხილება ს.კ.ე.ფ-ს გამგეობის მიერ.

20.9 განსაკუთრებულ შემთხვევაში ს.კ.ე.ფ-ს სადისციპლინო-ტექნიკური კომისია უფლებამოსილია, თავის შეხედულებისამებრ, გაზარდოს ან შეამციროს სასჯელი დარღვევის სიმძიმის გათვალისწინებით.

20.10 გუნდის წევრებისათვის დაკისრებული, დებულებით გათვალისწინებული, ყველა სახის ჯარიმების გადახდა უნდა მოხდეს მომდენო თამაშამდე, წინააღმდეგ შემთხვევაში თამაშის კომისარს ეკრძალება მათი დაშვება მომდენო თამაშზე.

20.11 ზემოსხენებული ჯარიმების არადროულად გადახდაზე მოელი პასუხისმგებლობა ეკისრება გუნდის (კლუბის) ხელმძღვანელობა

თავი X. პროტესტი

მუხლი 21. პროტესტის შეტანის წესი

21.1 პროტესტი ს.კ.ე.ფ-ში შედის წერილობითი ფორმით და „კალათბურთის ოფიციალურ წესებში“ ჩამოყალიბებული პროცედურების დაცვით.

21.2 პროტესტის შემტანი გუნდი იხდის წინასწარ თანხას 500 (ხუთასი) ლარის ოდენობით. პროტესტის დაკმაყოფილების შემთხვევაში წინასწარ გადახდილი თანხა უბრუნდება გუნდს.

21.3 გუნდის პროტესტის განხილვის პირველ ინსტანციას წარმოადგენს ს.კ.ე.ფ-ს სააპელაციო კომისია.

21.4 თუ გუნდი არ ეთანხმება პირველი ინსტანციის გადაწყვეტილებას, პროტესტს განიხილავს ს.კ.ე.ფ-ს გამგეობა. ამ შემთხვევაში წინასწარ გადასახდელი თანხის ოდენობა იზრდება 700 (შვიდასი) ლარამდე. პროტესტის დაკმაყოფილების შემთხვევაში წინასწარ გადახდილი თანხა უბრუნდება გუნდს.

თავი XI. დაჯილდოება

მუხლი 22. გუნდების, მოთამაშეების, მწვრთნელების და სხვა წარმომადგენლების დაჯილდოება

22.1 გუნდს, რომელიც სუპერლიგის ჩემპიონატში დაიკავებს პირველ ადგილს, ენიჭება საქართველოს 2016-2017 წლის სეზონის ჩემპიონის წოდება.

22.2 გუნდი ჯილდოვდება თასით და ს.კ.ე.ფ-ის სერთიპიკატით

22.3 გუნდის მოთამაშეები, მწვრთნელი, მწვრთნელის თანაშემწეები და სამედიცინო პერსონალი ჯილდოვდებიან ჩემპიონის ოქროს მედლებით. არაუმეტეს 22 კაცისა.

22.4 მე-2 და მე-3 ადგილზე გასული გუნდების მოთამაშეები, მწვრთნელები და სამედიცინო პერსონალი ჯილდოვდებიან ვერცხლის და ბრინჯაოს მედლებით არაუმეტეს 22 კაცისა თითოეულ გუნდში.

22.5 სუპერლიგის საპრიზო ფონდი შეადგენს 250 000 (ორას ორმოცდაათი ათასი) ლარს, რომელიც განაწილდება 1, 2, 3 და 4 ადგილებზე გასულ გუნდებზე შემდეგნაირად:

1-ადგილი 40%; 2-ადგილი 28%; 3-ადგილი 20%; 4-ადგილი 12%